

Clem
qua
stito
oma



BIBLIOTHECA
UNIV. JAGELL.
CRACOVENSIS

Kat. Komp.

40710

I

Mag. St. Dr. P

7

Sive

Clem

Fool. 1675.

SA

C

D
ptan
in p
nou
mor
Ac
des
des
Pen
crez

&
de

T
Eö
Re


SANCTISSIMI D. N. DOMINI
CLEMENTIS
Divina Providentia
PAPÆ XI.

Damnatione quamplurium Propositionum excerptarum ex Libro Gallico idiomate impresso, & in plures Tomos distributo, sub Titulo -- *Le nouveau Testament en Francois avec des reflexions morales sur chaque verset &c.* A Paris 1699.; Ac aliter -- *Abbrege de la morale de l'Evangile, des Actes des Apostres, des Epistres de S. Paul, des Epistres Canoniques, e de l'Apocalypse, ou Pensees Chretiennes sur le Texte de ces Livres Sacrez &c.* A Paris 1693.; & 1694.

Cum prohibitione ejusdem Libri,
& aliorum quorumcunque in ejus
defensionem tam hactenus edito-
rum, quam in posterum
edendorum.

ROMÆ, MDCCXIII.

Typis Reverendæ Cameræ Apostolicæ



Reimpressum VARSAVIÆ MDCCXIII.

Typis Collegij Schol. Piarum.

BIBLIOTH. URIV



JAGELLONICAE

40710

I

O

Se

Un

J



Ecc

pra

cie

cur

ren

ad

run

tur

cep

tati

CLEMENS EPISCOPVS

Servus Servorum DEI.

*Universis Christi fidelibus
salutem & Apostolicam
Benedictionem .*



VNIGENITUS DEI Filius
pro nostra, & totius Mun-
di salute filius hominis
factus, dum Discipulos
suos doctrinâ veritatis in-
strueret, universamque
Ecclesiam suam in Apostolis erudiret,
præsentia disponens, & futura prospici-
ens, præclaro, ac saluberrimo do-
cumento Nos admonuit, ut attende-
remus à falsis Prophetis, qui veniunt
ad Nos in vestimentis Ovium, quo-
rum nomine potissimum demonstran-
tur Magistri illi mendaces, & in de-
ceptione illusores, qui splendidâ pie-
tatis specie prava dogmata latenter

insinuantes, introducunt sectas perditionis sub imagine Sanctitatis; utque facilius incautis obrepant, quasi deponentes lupinam pellem, & sese Divinae Legis sententijs, velut quibusdam O-viam velleribus obvoluentes, Sanctarum Scripturarum, adeòque etiam ipsius novi Testamenti verbis, quæ multipliciter in suam, aliorumque perditionem depravant, nequiter abutuntur: antiqui scilicet, á quo progeniti sunt, mendacij Parentis exemplo, ac magisterio edocti, nullam omninò esse ad fallendum expeditiorem viam, quàm ut ubi nefarij erroris subintroducitur fraudulentia, ibi divinorum verborum prætendatur autoritas.

His Nos verè divinis monitis instructi, ubi primum, non sine intimæ cordis nostri amaritudine, accepimus Librum quendam Gallico idiomate olim impressum, & in plures Tomos distributum, sub titulo *Le Nouveau Testament en Francois, avec des reflexions morales sur chaque verset &c, A' Paris 1699.*; Aliter verò -- *Abbrégé de la morale*

5

morale de l'Évangile, des Actes des Apôtres, des Epistres de S. Paul, des Epistres Canoniques, e de l'Apocalypse; ou Pensées Chretiennes sur le Texte des ces Liures Sacrez &c. A' Paris 1693. , & 1694. : tametsi aliás a Nobis damnatum, ac revera Catholicis veritatibus pravaram doctrinarum mendacia multifariam permiscentem, adhuc tamen tanquam ab omni errore immunem, á pluribus haberi, Christi fidelium manibus passim obtrudi, ac nonnullorum nova semper tentantium consilio, & operá studiosè nimis quaqvaversum disseminari, etiam latinè redditum, ut perniciosæ institutionis contagium, si fieri possit, pertransseat de gente in gentem, & de Regno ad populum alterum: versutis hujusmodi seductionibus, atque fallacijs creditum Nobis Dominicum Gregem in viam perditionis sensim abduci summoperè doluimus: adeoque Pastoralis non minùs curæ nostræ stimulis, quàm frequentibus Orthodoxæ Fidei Zelatorum querelis, maximè vero complurium Ve-

nerabilium Fratrum, præsertim Galliæ
Episcoporum, literis, ac precibus ex-
citati, gliscenti morbo, qui etiam ali-
quandò posset in deteriora quæque
proruere, validiori aliquo remedio ob-
viam ire decrevimus.

Et quidem ad ipsam ingruentis mali
causam providæ nostræ considerationis
intuitum convertentes, perspicuè no-
vimus summam hujusmodi Libri per-
niciem ideò potissimum progredi, &
invalescere, quòd eadem intus lateat,
& velut improba sanies, nonnisi secto
ulcere foras erumpat; cùm Liber ipse
primo aspectu legentes specie quadam
pietatis illiciat; molliti enim sunt
sermone ejus super oleum: sed ipsi sunt
iacula; & quidem intento arcu ità ad
nocendum parata, ut sagittent in ob-
scuro rectos corde. Nihil propterea
opportunius, aut salubrius præstari à
Nobis posse arbitrati sumus, quàm si
fallacem Libri doctrinam generatim
solummodò à Nobis hætenùs indica-
tam, pluribus singillatim ex eo excer-
ptis Propositionibus, distinctius, &
apertius

apertiùs explicaremus, atque universis
Christi fidelibus noxia Zizaniorum se-
mina é medio Tritici, quo tegebantur,
educta, velut ob oculos exponeremus.
Ita nimirum denudatis, & quasi in
propatulo positis, non uno quidem,
aut altero, sed plurimis, gravissimis-
que, tum pridem damnatis, tum etiam
nove adinventis erroribus, planè con-
fidimus, benedicente Domino, fore ut
omnes tandem apertæ iam, manifes-
tæque veritati cedere compellantur.

Id ipsum maximè è re Catholica fu-
turum, & sedandis præsertim in flo-
rentissimo Galliæ Regno exortis inge-
norum variè opinantium, jamque in
acerbiores scissuras protendentium dis-
sidijs apprimè proficuum: Conscien-
tiarum denique tranquillitati, perutile &
propemodum necessarium, non modò
præfati Episcopi; sed & ipse inprimis
Charissimus in Christo Filius noster
Ludovicus Francorum Rex Christia-
nissimus, cujus eximium in tuenda
Catholicæ Fidei puritate, extirpandis-
que erroribus Zelum satis laudare non

possumus, sapius Nobis est contestatus; repetitis propterea verè pijs, & Christianissimo Rege dignis officijs, atque ardentibus votis à Nobis efflagitans, ut instanti animarum necessitati prolatâ quantotius Apostolici censurâ Iudicij consuleremus.

Hinc adspirante Domino, ejusque cœlesti ope confisi, salutare opus sedulò, diligenterque, ut rei magnitudo postulabat, aggressi sumus; ac plurimas ex prædicto Libro, iuxta supra recensitas respectivè editiones, fideliter extractas, & tùm Gallico, tùm Latino idiomate expressas Propositiones à compluribus in Sacrà Theologiâ Magistris, primò quidem coram duobus ex Venerabilibus Fratribus nostris sanctæ Romanæ Ecclesiæ Cardinalibus accuratè discuti, deindè verò coram Nobis, adhibito etiam aliorum plurium Cardinalium consilio, quàm maximâ diligentia, ac maturitate, singularum insuper Propositionum cum ipsomet Libri Textu exactissimè facta

collatione, pluries iteratis Congregationibus, expendi, & examinari mandavimus, Hujusmodi autem Propositiones sunt, quæ sequuntur, videlicet - -

1. **Q**uid aliud remanet anime, quæ Deum, atque ipsius gratiam amisit, nisi peccatum, & peccati consecutiones, superba paupertas, & segnis indigentia, hoc est generalis impotentia ad laborem, ad orationem, & ad omne opus bonum?

2. IESU Christi gratia, principium efficax boni cujuscunque generis, necessaria est ad omne opus bonum; absque illa, non solum nihil fit, sed nec fieri potest.

3. In vanum Domine precipis, si tu ipse non das, quod precipis.

4. Ità Domine; Omnia possibile sunt ei, cui omnia possibile facis, eadem operando in illo.

5. Quando Deus non emollit cor per interiorum unctiorem gratie sue, exhortationes, & gratie exteriores non inserviant, nisi ad illud magis obdurandum.

6. Discrimen inter Foedus Iudaicum & Christianum, est, quod in illo Deus exigit fugam peccati, & implementum legis à peccatore, relinquendo illum in sua impotentia: in isto vero Deus peccatori dat, quod jubet, illum sua gratia purificando.

7. Quae utilitas pro homine in veteri foedere, in quo Deus illum reliquit ejus propriae infirmitati, imponendo ipsi suam legem? Quae vero felicitas non est admitti ad foedus, in quo Deus nobis donat, quod petit à nobis.

8. Nos non pertinemus ad novum foedus, nisi in quantum participes sumus ipsius

mus ipsius nove gratie, que operatur in nobis id, quod Deus nobis precipit.

9. Gratia Christi, est gratia suprema, sine qua confiteri Christum nunquam possumus, & cum qua nunquam illum abnegamus.

10. Gratia est operatio manus Omnipotentis Dei, quam nihil impedire potest, aut retardare.

11. Gratia non est aliud, quam voluntas Omnipotentis Dei, jubentis, & facientis, quod jubet.

12. Quando Deus vult salvare animam, quocumque tempore, quocumque loco effectus indubitabilis sequitur Voluntatem DEI.

13. Quando Deus vult animam salvam facere, & eam tangit interiori gratie sue manu, nulla voluntas humana ei resistit.

14. *Quantumcumque remotus à salute sit Peccator obstinatus, quando IESVS se ei videndum exhibet lumine salutari sue gratiæ, oportet, ut se dedat, accurrat, sese humiliet, & adoret Salvatorem suum.*

15. *Quando Deus mandatum suum, & suam eternam locutionem comittatur unctiōe sui Spiritus, & interiori vi gratiæ suæ, operatur illa in corde obedientiam, quam petit.*

16. *Nulle sunt illecebre, que non cedant illecebris gratiæ, quia nihil resistit Omnipotenti.*

17. *Gratia est vox illa Patris, que homines interiùs docet, ac eos venire facit ad IESVM Christum; quicumque ad eum non venit, postquam audivit vocem exteriorem Filij, nullatenùs est doctus à Patre.*

18. *Semen verbi, quod manus Dei*
irrigat

irrigat, semper affert fructum suum.

19. Dei gratia nihil aliud est, quàm ejus omnipotens voluntas: hæc est idea, quam Deus ipse Nobis tradit in omnibus suis Scripturis.

20. Vera gratiæ idea est, quod Deus vult sibi à nobis obediri, & obeditur; imperat, & omnia fiunt; loquitur tanquam Dominus, & omnia sibi submissa sunt.

21. Gratia IESV Christi est gratia fortis, potens, suprema, invincibilis, ut pote quæ est operatio voluntatis Omnipotentis, sequela, & imitatio operationis Dei incarnantis, & resuscitantis Filium suum.

22. Concordia omnipotentis operationis Dei in corde hominis, cum libero ipsius voluntatis consensu, demonstratur illicò nobis, in Incarnatione, veluti in fonte, atque Archetypo omnium

mnium aliarum operationum misericordie, & gratie, que omnes ita gratuite, atque ita dependentes à Deo sunt, sicut ipsa originalis operatio.

23. Deus ipse nobis ideam tradidit omnipotentis operationis sue gratie, eam significans per illam, qua Creaturas è nihilo producit, & mortuis reddit vitam.

24. Iusta idea, quam Centurio habet de Omnipotentia Dei, & IESU Christi, in sanandis Corporibus solo motu sue voluntatis, est imago idee, que haberi debet de omnipotentia sue gratie in sanandis animabus à cupiditate.

25. Deus illuminat animam, & eam sanat equè ac corpus sola sua voluntate, jubet, & ipsi obtemperatur.

26. Nulle dantur gratie, nisi per Fidem.

27. *Fides est prima gratia, & fons omnium aliarum.*

28. *Prima gratia, quam Deus concedit Peccatori, est peccatorum remissio.*

29. *Extra Ecclesiam nulla conceditur gratia.*

30. *Omnes, quos Deus vult salvare per Christum, salvantur infallibiliter.*

31. *Desideria Christi semper habent suum effectum; pacem intimo cordium infert; quando eis illam optat.*

32. *IESVS Christus se morte tradidit ad liberandum pro semper suo sanguine Primogenitos, idest Electos, de manu Angeli exterminatoris.*

33. *Proh quantum oportet bonis terrenis, & sibimetipsi renunciasse, ad hoc ut quis fiduciam habeat sibi ut ita dicam, appropriandi Christum*

IESVM, ejus amorem, mortem, & mysteria, ut facit Sanctus Paulus dicens: Qui dilexit me, & tradidit semetipsum pro me.

34. *Gratia Adami non producebat, nisi merita humana.*

35. *Gratia Adami est sequela creationis, & erat debita nature sanæ, & integræ.*

36. *Differentia essentialis inter gratiam Adami, & status innocentie, ac gratiam Christianam, est, quod primam unusquisque in propria persona recepisset: ista verò non recipitur, nisi in persona IESV Christi resuscitati, cui nos uniti sumus.*

37. *Gratia Adami, sanctificando illum in semetipso, erat illi proportionata; Gratia Christiana nos sanctificando in IESV Christo, est omnipotens, & digna Filio Dei.*

38. Pecca-

38. Peccator non est liber, nisi ad malum, sine gratia Liberatoris.

39. Voluntas, quam gratia non prevenit, nihil habet luminis, nisi ad aberrandum, ardoris, nisi ad se precipitandum, virium, nisi ad se vulnerrandum; est capax omnis mali, & incapax ad omne bonum.

40. Sinè gratia nihil amare possumus, nisi ad nostram condemnationem.

41. Omnis cognitio Dei, etiam naturalis, etiam in Philosophis Ethnicis, non potest venire, nisi à Deo, & sine gratia non producit, nisi presumptionem, vanitatem, & oppositionem ad ipsum Deum, loco affectuum adorationis, gratitudinis, & amoris.

42. Sola gratia Christi reddit hominem aptum ad Sacrificium Fidei; sine hoc nihil, nisi impuritas, nihil, nisi indignitas.

B

43. Pri-

43. Primus effectus gratiae baptismalis est facere, ut moriamur peccato; adeò ut Spiritus, cor, sensus non habeant plus vite pro peccato, quàm homo mortuus habeat pro rebus Mundi.

44. Non sunt, nisi duo amores, unde volitiones, & actiones omnes nostrae nascuntur; Amor Dei, qui omnia agit propter Deum; quemque Deus remuneratur, & Amor, quo nos ipsos, ac Mundum diligimus, qui quod ad Deum referendum est, non refert, & propter hoc ipsum fit malus.

45. Amore Dei in corde Peccatorum non amplius regnante, necesse est, ut in eo carnalis regnet cupiditas, omnesque actiones ejus corrumpat,

46. Cupiditas, aut Charitas, usum sensuum bonum, vel malum, faciunt.

47. Obe-

47. Obedientia legis profuere debet ex fonte; & hic fons est Charitas. Quando Dei amor est illius principium interius, & Dei gloria ejus finis tunc purum est, quod apparet exterius; alioquin non est, nisi hypocrisis, aut falsa justitia.

48. Quid aliud esse possumus, nisi tenebræ nisi aberratio, & nisi peccatum sine Fidei lumine, sine Christo, & sine Charitate.

49. Ut nullum peccatum est sine amore nostri, ita nullum est opus bonum sine amore Dei.

50. Frustra clamamus ad Deum, Pater mi: si Spiritus Charitatis non est ille qui clamat.

51. Fides justificat, quando operatur; sed ipsa non operatur, nisi per Charitatem.

52. Omnia alia salutis media continentur

*vinentur in fide, tanquam in suo ger-
mine, & semine; Sed hæc Fides non
est absque amore, & fiducia.*

53. *Sola Charitas Christiano modo
facit (actiones Christianas) per re-
lationem ad Deum, & IESVM
Christum.*

54. *Sola Charitas est, que Deo
loquitur, eam solam Deus audit.*

55. *Deus non coronat, nisi Chari-
tatem; qui currit ex alio impulsu, &
ex alio motivo, in vanum currit.*

56. *Deus non remunerat nisi Cha-
ritatem, quoniam Charitas sola Deum
honorat.*

57. *Totum deest Peccatori, quando
ei deest spes, & non est spes in Deo,
ubi non est amor Deo.*

58. *Nec Deus est, nec Religio, ubi
non est Charitas.*

59. *Oratio Impiorum est novum
pecca-*

peccatum, & quod Deus illis concedit, est novum in eos iudicium.

60. Si solus supplicij timor animat poenitentiam, quò hec est magis violenta, eò magis ducit ad desperationem.

61. Timor non nisi manum cohibet, cor autem tamdiu peccato addicitur, quamdiu ab amore justitiæ non ducitur.

62. Qui à malo non abstinere, nisi timore pœne, illud committit in corde suo, & jam est Reus coram Deo.

63. Baptizatus adhuc est sub lege sicut Iudeus, si legem non adimpleat, aut adimpleat ex solo timore.

64. Sub maledictò legis, nunquam fit bonum, quia peccatur sive faciendo malum, sive illud non nisi ob timorem evitando.

65. Moyses, Prophete, Sacerdotes,

Et Doctores legis mortui sunt, absque eo quod ullum Deo dederint filium, cum non effecerint nisi mancipia per timorem.

66. Qui vult Deo appropinquare, nec debet ad ipsum venire cum brutalibus passionibus, neque adduci per instinctum naturalem, aut per timorem, sicuti bestiae, sed per fidem, Et per amorem sicuti filij.

67. Timor servilis non sibi representat Deum, nisi ut Dominum durum, imperiosum, injustum, intractabilem.

68. Dei bonitas abbreviavit viam salutis claudendo totum in Fide, precibus.

69. Fides, usus, augmentum, Et premium Fidei, totum est donum pure liberalitatis Dei.

70. Nunquam Deus affligit innocentes,

absque
filium,
pia per
centes, & afflictiones semper seruiunt,
vel ad puniendum peccatum, vel ad
purificandum peccatorem.

71. Homo ob sui conservationem
potest sese dispensare ab ea lege, quam
Deus condidit propter eius utilita-
tem.

72. Nota Ecclesie Christianae est,
quod sit Catholica; comprehendens, &
omnes Angelos Caeli, & omnes E-
lectos, & justos terrae, & omnium
Seculorum.

73. Quid est Ecclesia, nisi cœtus
Filiorum Dei manentium in ejus sinu,
adoptatorum in Christo, subsistentium
in ejus persona, redemptorum ejus
sanguine, viventium ejus spiritu, agen-
tium per ejus gratiam, & expectan-
tium gratiam futuri sæculi.

74. Ecclesia, siue integer Christus,
Incarnatum verbum habet ut Caput,
omnes verò Sanctos ut membra,

75. Ecclesia est unus solus homo, compositus ex pluribus membris, quorum Christus est Caput, Vita, subsistentia, & persona; Unus solus Christus, compositus ex pluribus Sanctis, quorum est Sanctificator.

76. Nihil spatiosius Ecclesia Dei, quia omnes Electi, & Iusti omnium Seculorum illam componunt.

77. Qui non ducit vitam dignam Filio Dei, & membro Christi, cessat interius habere Deum pro Patre, & Christum pro Capite.

78. Separatur quis à Populo Electo, cujus figura fuit Populus Iudaicus, & Caput est IESVS Christus, tam non vivendo secundum Evangelium, quam non credendo Evangelio.

79. Utile, & necessarium est omni tempore, omni loco, & omni personarum

nari
spiri
ere
8
pro
8
non
ipso
82
bet sa
per
damm
hac
83
notit
debe
sacri
naru
Viro
rarum
84

homo, quod sub-
solus San-
Dei, animum
gnam
cessat
e, &
Ele-
udai-
sus,
van-
van-
omni
erso-
rum

narum generi studere, & cognoscere
spiritum, Pietatem, & Mystera Sa-
cre Scripture.

80. Lectio Sacre Scripture est
pro omnibus.

81. Obscuritas Sancta verbi Dei
non est Laicis ratio dispensandi se
ipsum ab ejus lectione.

82. Dies Dominicus à Christianis de-
bet sanctificari lectionibus pietatis, & su-
per omnia Sanctarum Scripturarum,
damnosum est velle Christianum ab
hac lectione retrahere.

83. Est illusio sibi persuadere, quod
notitia Mysteriorum Religionis non
debeat communicari feminis, lectione
sacrorum librorum. Non ex femi-
narum simplicitate, sed ex superba
Virorum scientia, ortus est scriptu-
rarum abusus, & nate sunt hereses.

84. Abripere è Christianorum ma-
nibus

nibus novum Testamentum, seu eis illud clausum tenere, auferendo eis modum illud intelligendi, est illis Christi os obcurare.

85. Interdicere Christianis lectionem Sacrae Scripturae, praesertim Evangelij, est interdicere usum luminis filijs lucis, & facere ut patiantur speciem quandam excommunicationis.

86. Eripere simplici Populo hoc solatium, jungendi vocem suam voci totius Ecclesiae, est usus contrarius praxi Apostolicae, & intentioni Dei.

87. Modus plenus sapientia, lumine & Charitate, est dare animabus tempus portandi cum humilitate, & sentiendi statum peccati, petendi spiritum poenitentiae, & contritioni, & incipiendi, adminus, satisfacere iustitiae Dei, antequam reconcilientur.

88. Ignoramus quid sit peccatum, & vera

seu eis
do eis
Christi
lectio-
im E-
uminis
iantur
tionis.
lo hoc
voci
ravus
Dei.
a, lu-
mabus
e, &
spiri-
, &
re ju-
entur
atum,
vera

Et vera poenitentia, quando volumus statim restitui possessioni bonorum illorum, quibus nos peccatum spoliavit, Et detrectamus separationis istius ferre confusionem.

89. Quartus decimus gradus conversionis Peccatoris est, quod, cum sit jam reconciliatus, habet jus assistendi Sacrificio Ecclesie.

90. Ecclesia auctoritatem excommunicandi habet, ut eam exerceat per primos Pastores de consensu, saltem presumpto, totius Corporis.

91. Excommunicationis injuste metus, nunquam debet nos impedire ab implendo debito nostro: Nunquam eximus ab Ecclesia, etiam, quando hominum nequitia, videmur ab ea expulsi, quando Deo, IESU Christo, atque ipsi Ecclesie per Charitatem affixi sumus.

92. Pati

92. Pati potiùs in pace excommu-
 nicationem, & anathema injustum,
 quàm proderet veritatem, est imitari
 Sanctum Paulum: tantùm abest, ut
 sit erigere se contra Authoritatem,
 aut scindere unitatem.

93. IESVS quandoque sanat vul-
 nera, quæ præceptis Primorum Pasto-
 rum festinatio infligit, sinè ipsius
 mandato; IESVS restituit, quod
 ipsi inconsiderato Zelo rescindunt.

94. Nihil pejorem de Ecclesi-
 opinionem ingerit ejus inimicis, quàm
 videre illic dominatum exerceri supra
 fidem fidelium, & fieri divisiones
 propter res, quæ nec fidem ledunt,
 nec mores.

95. Veritates eò devenerunt, ut
 sint lingua quasi peregrina plerisque
 Christianis, & modus eas predicandi
 est veluti idioma incognitum: adeo

remotus

remotus est à simplicitate Apostolorum, & supra communem captum fidelium; Neque satis advertitur, quod hic defectus sit unum ex signis maxime sensibilibus senectutis Ecclesie, & ire Dei in Filios suos.

96. Deus permittit, ut omnes potestates sint contrarie Predicatoribus veritatis, ut ejus victoria attribui non possit, nisi Divine gratie.

97. Nimis sæpè contingit membra illa, que magis sanctè, ac magis stricte unita Ecclesie sunt, respici, supra atque tractari tanquam indigna, ut sint in Ecclesia, vel tanquam ab ea separata; sed Iustus vivit ex fide, & non ex opinione hominum.

98. Status persecutionis, & penarum, quas quis tolerat, tanquam Hereticus, flagitiosus, & impius, aded ultima plerumque probatio est, & maxime

*maximè meritoria, ut potè que facit
hominem magis conformem IESV
Christo.*

99. *Pervicacia, preventio, obsti-
natio in nolendo, aut aliquid exami-
nare, aut agnoscere se fuisse deceptum,
mutant quotidè quo ad multos in odo-
rem mortis id, quod Deus in sua
Ecclesia posuit, ut in ea esse odor vi-
te, V. G. bonos libros, instructiones,
sancta exempla &c.*

100. *Tempus deplorabile, quo cre-
ditur honorari Deus, persequendo ve-
ritatem, ejusque discipulos. Tempus
hoc advenit Haberi, &
tractari à Religionis Ministris, tan-
quam, impium, & indignum omni
commercio cum Deo, tanquam mem-
brum putridum, capax corrumpendi
omnia in societate Sanctorum, est
hominibus pijs morte corporis mors
terribi-*

terribi
de su
Zelo
flamm
pria
reptu
vult
sacrif
camu
IO
ne l
quàn
Eccle
occaf
re in
ut no
deser

facit
 ESV
 obsti-
 ami-
 tum,
 odo-
 sua
 r vi-
 ones,
 cre-
 ve-
 npus
 &
 tan-
 omni
 nem-
 endi
 est
 mors
 ribi-

terribilior. Frustra quis sibi blanditur
 de suarum intentionum puritate, &
 Zelo quodam Religionis, persequendo
 flammâ, ferroque viros probos, si pro-
 pria passione est excecatus, aut ab-
 reptus aliena, propterea quod nihil
 vult examinare. Frequenter credimus
 sacrificare Deo Impium, & sacrifi-
 camus Diabolo Dei Servum.

IOI. Nihil spiritui Dei, & doctri-
 ne IESV Christi magis opponitur
 quàm communia facere iuramenta in
 Ecclesia, quia hoc est multiplicare
 occasiones pejerandi, laqueos tende-
 re infirmis, & Idiotis, & efficere,
 ut nomen, & veritas Dei aliquando
 deserviant consilio Impiorum.

Auditis

Auditis itaque tum voce, tum scripto Nobis exhibitis præfatorum Cardinalium, aliorumque Theologorum suffragijs, divinique inprimis luminis, privatis ad eum finem, publicisque etiam indictis precibus, implorato præsidio; omnes & singulas Propositiones præinsertas, tanquam falsas, captiosas, malè sonantes, piarum aurium offensivas, scandalosas, perniciosas, temerarias Ecclesiæ, & ejus praxi injuriosas, neque in Ecclesiam solum, sed etiam in Potestates sæculi contumeliosas, seditiosas, impias, blasphemias, suspectas de hæresi, ac hæresim ipsam sapientes, nec non hæreticis, & hæresibus, ac etiam schismati faventes, erroneas, hæresi proximas, pluriès damnatas, ac demum etiam hæreticas, variasque hæreses, & potissimum illas, quæ

quæ
nibus
quo
cont
respe
litura
mnar

sexus
Prop
dicar
eader
tinent
illaru
visim
aut d
cè, au
impu
alijsq
à Iuro
que a

quæ

tum
orum
eolo-
inpri-
nem,
ibus,
singu-
tan-
antes,
adalo-
lesia,
ne in
n Po-
fedi-
ocetas
apien-
elibus,
rrone-
amna-
as, va-
illas,
quæ

quæ in famosis Iansenij propositio-
nibus, & quidem in eo sensu, in
quo hæc damnata fuerunt, acceptis,
continentur, manifestè innovantes,
respectivè, hac nostra perpetuò va-
litura Constitutione declaramus, da-
mnamus, & reprobamus.

Mandantes omnibus utriusque
sexus Christi fidelibus, ne de dictis
Propositionibus sentire, docere, præ-
dicare aliter præsumant, quàm in hac
eadem Nostra Constitutione con-
tinentur; ita ut quicumque illas, vel
illarum aliquam conjunctim, vel di-
visim docuerit, defenderit, ediderit,
aut de eis, etiam disputativè, publi-
cè, aut privatim tractaverit nisi forsan
impugnando, Ecclesiasticis censuris,
alijsque contra similia perpetrantes
à Iure statutis pœnis ipso facto, abs-
que alia declaratione subiaceat.

C

Cœte-

Coeterum per expressam præfatarum Propositionum reprobationem, alia in eodem Libro contenta nullatenus approbare intendimus; cum præsertim in decursu examinis complures alias in eo deprehenderimus propositiones illis, quæ, ut supra, damnatæ fuerunt, consimiles, & affines, iisdemque erroribus imbutas: nec sanè paucas sub imaginario quodam, veluti grassantis hodiè persecutionis obtentu, inobedientiam, & pervicaciam nutriendas, easque falso Christianæ patientiæ nomine prædicantes; quas propterea singulatim recensere, & nimis longum esse duximus, & minimè necessarium; ac demùm, quod intolerabilius est, Sacrum ipsum novi Testamenti Textum damnabiliter vitiatum compererimus, & alteri dudùm re-

dùm
Monte
vulgar
culoru
atque
authen
ter di
plurie
sæpè
perver

ut po
nedict
hoc e
imagi
cordib
præm
scriptu
alio i
aut ve
aut in

dum reprobatae versioni Gallicae
Montensi in multis conformem: à
vulgata verò editione, quæ tot Sæ-
culorum usu in Ecclesia probata est,
atque ab Orthodoxis omnibus pro
authentica haberi debet, multiplici-
ter discrepantem, & aberrantem,
pluriesque in alienos, exoticos, ac
sæpè noxios sensus, non sine maxima
perverſitate detortum.

Eundem propterea Librum,
ut potè per dulces sermones, & be-
nedictiones, ut Apostolus loquitur,
hoc est, sub falsa piæ institutionis
imagine, seducendis Innocentium
cordibus longè accomodatum, sive
præmissis, sive alio quovis titulo in-
scriptum, ubicunque, & quocunque
alio idiomate, seu quavis editione,
aut versione hæctenus impressum,
aut in posterum (quod absit) im-

primendum, auctoritate Apostolica tenore præsentium iterum prohibemus, ac similiter damnamus; quemadmodum etiam alios omnes, & singulos in ejus defensionem tam scripto, quàm typis editos, seu forsitan (quod Deus avertat) edendos libros, seu libellos, eorumque lectionem, descriptionem, retentionem, & usum omnibus, & singulis Christi fidelibus sub pœna excommunicationis per contra facientes ipso facto incurrenda, prohibemus pariter, & interdiciamus.

Præcipimus insuper Venerabilibus Fratribus Patriarchis, Archiepiscopis, & Episcopis, aliisque locorum Ordinariis; nec non hæreticæ pravitatis Inquisitoribus, ut contradictores, & rebelles quoscunque per censuras, & pœnas præfatas, aliaque

aliaque
voca
brach
coero

præse
press
ci su
digni
nitis
beate
adhi
oster

pagin
mna
& in
ausu
auter
indig
Beat

aliaque Iuris, & facti remedia, invocato etiam ad hoc, si opus fuerit, brachij sæcularis auxilio, omninò coerceant, & compellant.

Volumus autem, ut earundem præsentium transumptis, etiam impressis, manu alicujus Notarij publici subscriptis, & sigillo personæ in dignitate Ecclesiastica constitutæ munitis eadem fides prorsùs adhibeatur, quæ ipsis originalibus literis adhiberetur, si forent exhibitæ, vel ostensæ.

Nulli ergò hominum liceat hanc paginam nostræ declarationis, damnationis, mandati, prohibitionis, & interdictionis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum eius

rum ejus se noverit incursum.
 Datum Romæ apud Sanctam Ma-
 riam Majorem Anno Incarnationis
 Dominicæ Millesimo septingentesi-
 mo decimotertio, sexto Idus Se-
 ptembris, Pontificatus Nostri Anno
 Decimotertio.

I. Card. Prodatarius.

F. Oliverius.

Visa de Curia L. Sergardus.

Loco ✠ Plumbi.

Registrata in Secretaria Brevium.


L. Martinettus.

*Anno à Nativitate Domini No-
 stri I E S V Christi millesimo septin-
 gentesimo decimotertio, Indictione
 sexta*

sexta, die verò decima Septembris,
Pontificatus Sanctissimi in Christo
Patris, & Domini Nostri Domini
Clementis Divina providentia Pape
XI. Anno decimotertio supradicte
Literæ Apostolicæ affixæ, & publicatæ
fuerunt ad Valvas Ecclesie Latera-
nen: & Basilicæ Principis Aposto-
lorum, Cancellariæ Apostolicæ, Curie
Generalis in Monte Citatorio, in A-
cie Campi Floræ, ac in alijs locis
solitis, & consuetis Urbis per me
Petrum Romulatum Apostolicum
Cursorum.

Antonius Placentinus Magister
 Cursorum.





Biblioteka Jagiellońska



str0026110

SS. D. N.
Darmstadt
nisi pro